

四庫全書

經部

欽定四庫全書

周易原旨卷三

元保巴撰



震下離上

噬嗑亨

艮震合而為頤之象六四變九四為頤中有物之象有物則噬齧噬則噬

嗑則

利用獄

以卦變言此卦自否來柔得中理而上行謂初六與九四應爻相易肖體為頤頤口

也五與四又剛柔相易為噬嗑噬嗑口中

中有物喻有冤抑不能陳訴者以離明而分別之震威

而處制之故曰利用獄

彖曰頤中有物曰噬嗑噬嗑而亨剛柔分動而明雷電

合而章柔得中而上行雖不當位利用獄也

卦除三上俱不當位

故也

象曰雷電噬嗑先王以明罰勅法

君子體而用之以天下言之若有強梗讒邪間隔天下之事不得合者必以政事治之政者教化也事者刑罰也教化之不得悛者卒以刑法而除之也

初九

剛居最下噬嗑之初下民之象也

屨校滅趾无咎

恐下民不知其戒故設此法屨

校足械也滅趾刑也蓋言屨之於足滅傷其趾也倘犯小過先以械足滅趾使之畏懼不行其惡故无咎

象曰屨校滅趾不行也

君子體而用之繫辭傳曰小人不恥不仁不畏不義  
不見利不勸不威不懲小懲而大戒此小人之福也  
懲之之早犯刑者懼而用刑者當矣故无咎

六二

陰柔處於中正用刑者也

噬膚滅鼻无咎

初上為頤不言噬二噬膚猶淺三噬腊四

噬肺則皆肉之帶骨者噬之深且難矣六二下卦之中互艮為鼻滅鼻者剝刑也六二乘剛而不免用刑者以其居中得象曰噬膚滅鼻乘剛也正故无咎

君子體而用之刑法不可輕為必當審問之慎思之  
明辨之俾之情窮理盡甚致大中至正然後可以用

之也故曰聽訟吾猶人也必也使無訟乎大畏民志  
此謂知本

六三

陰居震上非其位也

噬腊肉遇毒小吝

以柔弱之才處剛決之任用刑於剛強之

人反被其傷蓋為六三位不當也

无咎

然而反被強梗所傷雖有小吝亦可進而為之无咎者有應故

也象曰遇毒位不當也

君子體而用之雖是才小而任大必當盡其臣子之  
忠孝致身竭力可也

九四

陽居離下剛明者也

噬乾肺得金矢

說卦云離為乾卦乾為金為剛健噬乾肺者乾

肉連骨梗至堅而難噬之物譬如利艱貞吉然而九四強暴之小人必以金矢剛健去之不中正亦未光大利在克艱象曰利艱貞吉未光也  
正固則獲吉矣

君子體而用之去除強暴之道必當克己而進之也

六五

陰處離體之中明辨之君也

噬乾肉得黃金

離為乾卦乾金也黃為中也陰爻居

中為上卦之主如得黃金噬乾肉者易噬也喻去天下之強梗之易為也

貞厲无咎

雖處卦主之居

位本體終柔利在正固常懷危厲乃得无咎又以柔乘剛得當也

象曰貞厲无咎得當

也

君子體而用之雖處至易猶加兢兢業業以其多易

而必多難故聖人深戒之耳

上九

陽居噬嗑之終剛過於極也

何校滅耳凶

何校械項滅耳去其耳積其罪惡之大不

可釋其凶可知也此謂滅其耳者戒聽之不聰也

象曰何校滅耳聰不明也

君子體而用之子曰善不積不足以成名惡不積不足以滅身小人以小善為无益而弗為也以小惡為无傷而弗去也故惡積而不可揜罪大而不可解易曰何校滅耳凶

䷥

離下賁

賁文飾也陰陽交錯則成文賁自泰來上之柔來二而文剛分二之剛上而文柔

亨

柔來而文剛為離居  
中得正无不亨矣

小利有攸往

陰小陽大分剛上  
而文柔上卦俱陰

本柔而得剛故  
小利有攸往

彖曰賁亨柔來而文剛故亨分剛上而文柔故小利有攸往天文也文明以止人文也觀乎天文以察時變觀乎人文以化成天下

象曰山下有火賁君子以明庶政无敢折獄

君子體而用之以離明而修庶政以艮止而省刑罰乃成文明之治也



初九

初居離下賁之始也

賁其趾

文明在下為趾

舍車而徒

前五坎為輪為車下卦震

震為足為大途徒行也舍車而徒行者棄利而就義也初九近於六二正應於六四不從二之近而從六四之遠舍易從難舍車而徒行也守節修賁而行正道二雖有車而不乘寧徒行而從於六四乃文明之君子也

象曰舍車而徒義弗乘也

君子體而用之舍車而徒從其正也二非不正為非己之應也守節處義故弗乘也

六二

陰柔處於離中文明之君子下卦之主也

賁其須

須即此需待也修飾賁道待時而行也二

雖當位而无應故以文明修其道

待上求而進之共成治賁之功也

象曰賁其須與上興

也

君子體而用之隱居待時故曰用之則行舍之則藏

耳

九三

陽居離上剛明之極也

賁如

明極而大盛

濡如

互體見坎易中坎稱濡言以剛文與

柔文相間下卦俱得其正二四互相光飾有潤澤之義也

永貞吉

二與四非己之應貴在久常正固則

得吉也

象曰永貞之吉終莫之陵也

陵者迫也

君子體而用之處事當以雍容和緩從容而不迫也

六四賁如皤如

皤者白也初與四剛柔相易為巽巽為白或飾或素四應初未獲相賁白之象

也白馬翰如震坎為馬變巽為白馬離為雉有飛象翰如也四欲往肯初疑三所隅以其相肯之

志不舍或飾或素蓋進之志匪寇婚媾既進而得與初如飛終莫能止白馬翰如也合三亦與二互

相光飾前疑俱釋象曰六四當位疑也匪寇婚媾終无

尤也

君子體而用之六四當位已下三爻當擬之而後言

議之而後動擬議以成其變化蓋言不可蓄疑而敗

謀也故曰无尤

六五

陰居尊位柔順之君也

賁于丘園

艮為山為果蓏有丘園之象自古設險守國故城壘

多依丘坂立謂在外而近且高者園圃之地最近城邑亦在外而近者蓋言丘園中所隱之賢士即指上九也

束帛戔戔終吉

喻六五如束帛及其制為衣服必裁剪而成之自度以柔弱之質而處尊位才

德不足不能有為戔戔者剪裁紛裂之狀蓋言必當屈身降志求比於丘園中所隱之賢能輔助成功耳雖少雖吝終享其功既吉而且喜矣象曰六五之吉有喜也

君子體而用之居上不驕所以功名遂矣

上九

陽居艮上賁極而知止者也

白賁

飾終而反素也反賁為素反文為質知止矣

无咎

反其質則不過於文明守其素則不失其本故无咎也

象曰白賁无咎上得志也

君子體而用之凡事但能原始反終故得志耳



坤下剝

剝落也

以陰剝陽

故名爲剝

乾五

不利有

攸往

止之不可

強進消息

盈虛天運

攸往

小人道長

故不利有

攸往觀象

當體卦得

坤順而

止之不可

強進消息

盈虛天運

則然窮上

反下无

往不復

即天行之

義是以君子

尚之

義是以

君子尚之

象曰

剝剝也

柔變剛也

不利有攸往

小人長也

順而止

之觀象也

君子尚

消息盈虛

天行也

之觀象也

之觀象也

君子尚

消息盈虛

天行也

之觀象也

君子尚

消息盈虛

天行也

之觀象也

君子尚

消息盈虛

象曰

山附于地

剝上以厚

下安宅

體坤言厚

下爲本

體

艮安宅

爲本

今反山

之觀象也

高起地上

而復附著

地

故本弱

致顛剝

之象也

之觀象也

君子尚

消息盈虛

天行也

之觀象也

故本弱

致顛剝

之象也

之觀象也

君子尚

消息盈虛

天行也

之觀象也

君子尚

消息盈虛

天行也

君子體

而用之

當以合乎

天行之理

有消息盈

虛君

之觀象也

君子尚

消息盈虛

天行也

之觀象也

子順之吉小人逆之凶君子隨時敦尚所以事天也  
事天之道濟民為先坤為本譬民艮為末譬物坤厚  
可以載物故曰民為邦本本固邦寧

初六

初居坤下剝之始也

剝牀以足

以似體言全卦似牀剝牀以足者陰剝陽陽伏於下也

蔑貞凶

陰小之人方長以邪侵害君子之正道故凶

象曰剝牀以足以滅下

也

君子體而用之纔見侵滅正道知幾之君子可不慎

諸

六二居柔剝牀以辨

辨是分隔上下者牀之幹也上无應援未有相與也

茂貞凶

以邪害茂貞正之道故凶

象曰剝牀以辨未有與也

君子體而用之陰之侵剝於陽得以益盛至於剝辨者以陽未有應與故也知幾之君子度其剝之未盛之時求其應援於陽者猶可勝陰示人之意深矣

六三

三居於坤柔順者也

剝之无咎

履羣陰之中又不當位上下四陰皆剝一陽已獨違上下

而應之僅能免凶故无咎矣

象曰剝之无咎失上下也

君子體而用之三居剝而无咎者其所處與上下諸

陰不同是與其同類相失於處剝之道反為无咎

六四

陰居艮下剝之盛也

剝牀以膚凶

始剝於牀足漸至於膚身之外也將滅其身矣其凶

可知陰長已盛陽剝已甚貞道已消故更不言幾貞直言凶也

象曰剝牀以膚切近災

也

君子體而用之事值凶極至亡之時猶當靜存其神  
動察其事可避則姑避之不得免者以天命而待死  
焉故曰存吾順事殁吾寧也

六五

五處羣陰之上剝之首也

貫魚

柔得陽位羣陰之長相牽以從上喻后妃以宮人備數進御於



君如貫

以宮人寵

施恩及衆陰使羣陰得寵順從而事其上也

无不利

治剝以從

則陰邪不能害其正有所施為无不利終无尤矣

象曰以宮人寵終无尤也

君子體而用之羣陰消剝於陽以至於極六五若能

長羣陰駢首順序反獲寵愛於陽則終无過尤也於

剝之將終復發此義聖人勸遷善之意深之至也

上九

陽居剝之上治剝之主也

碩果不食

艮為果蓏一陽在上剝未盡而復生象故存上九一

爻如碩大之果不見食將有復生之理

君子得輿

坤為輿為衆君子得之與衆共載之俱得其生


也小人剝廬

若小人也若然自无所容其身故剝廬耳

象曰君子

得與民所載也小人剝廬終不可用也

君子體而用之正道消剝既極則小人復思共治故陽剛君子為民所承載也若小人處剝之極則智窮守死而已終不可用也非謂九為小人但言剝極之時小人皆如是也

  
震下復乾剛剝盡為坤至此亨卦德震動而坤順

出入无疾順時而動也朋來无咎羣陽長也反復其道七日來復

七者少陽之數九者老陽之數利有攸往剛長而君子得時行道復

見天地之心故天地大德  
曰生即生生無窮之道也

彖曰復亨剛反動而以順行是以出入无疾朋来无咎  
反復其道七日來復天行也利有攸往剛長也復其見  
天地之心乎

象曰雷在地中復先王以至日

冬至陽氣始生閉關商  
安靜以養生氣

旅不行后不省方

君子體而用之雷者陰陽相薄而成聲當陽之微未  
能發也雷在地中陽始復之時也陽始生於下而甚

微安靜而後能長先王以順天道當至日陽之始生  
安靜以養之故閉關使商旅不得行人君不省視四  
方觀復之象而順天道也在一人之身亦然當安靜  
以養其陽也

初九

陽動於下復之主也

不遠復

初處復之最先不遠復也

无祇

音支至也祇也

悔元

吉

復善之速不至於悔也過失未形而復大善之吉其吉修身為先也

象曰不遠之復以

修身也

君子體而用之所以修身之故學問之道無他唯知

不善則速改以從善而已

六二

陰居震中動之正也

休復吉

柔順中正近于初九而能下之復之休善吉之道也仁謂初剛

剛復于下在人則惻隱之心仁之端也初不遠復二從初而復故曰下仁心仁即生矣

象曰休復

之吉以下仁也

君子體而用之仁者天下之公善之本也初復於仁  
生道之始也二能親而下之是以吉也

六三

以陰躁處動之極

頻復

不能保守屢失而屢復故頻復

厲

屢失為厲

无咎

復則无咎

象曰頻復之厲義无咎也

君子體而用之聖人開遷善之道頻復頻失雖為危  
厲然終有復善之義則无咎矣

六四

陰居順體之下  
順而履正者也

中行獨復

四行羣陰之中而獨能  
復自處於正下應於陽

剛其志可  
謂善矣

象曰中行獨復以從道也

君子體而用之此爻不言吉凶者蓋四以柔居羣陰  
之間初剛甚微不足以相援無可濟之理故聖人但  
稱其能獨復而不言吉者以其獨從道未可得吉也  
曰然則不云无咎何也曰以陰居陰柔弱之甚雖有

從陽之志終不克濟非无咎也

六五

陰處坤中敦篤者也

敦復无悔

六五陰君下无正應本有悔也以敦篤之志守中行順自

考故无咎

象曰敦復无悔中以自考也

考訓成也

君子體而用之當以處中而體順能敦篤其志以中道自成則可以无悔也自成謂成其中順之德

上六

陰居最上復終而速也

迷復凶

迷而不復其凶可知

有災

災謂天災自外来

眚

眚謂已過由自作既迷不復善即在己動皆過失災禍亦自外而至蓋所招也用行師終有大

敗以其國君凶

一陽統五陰以似體言者有師象故稱行師迷道不復无施而可用以行師則

終有大敗以之至于十年不克征十者數之終至于十年不克征者終不能  
為國則君之凶  
行既迷於道何時而  
可行故反君道也  
象曰迷復之凶反君道也

君子體而用之上六位高而无下仁之美剛遠而失  
遷善之機厚極而有難開之蔽柔終而無改過之勇  
昏迷而不知復者故曰迷復之凶反君道也



震下

无妄

以卦變言卦自遯來內卦初九與  
六三剛柔相易見天雷故名无妄

元亨

利貞

天下雷行剛中而應雲行雨施發生萬物  
是以萬物各正性命无妄所以大亨利貞也

其匪正

有眚不利有攸往

人當體天道无妄至誠至正苟非貞  
正則為過眚有過眚不利有所往矣



故曰天命不祐行矣哉

彖曰无妄剛自外来而爲主於內動而健剛中而應大亨以正天之命也其匪正有眚不利有攸往无妄之往何之矣天命不祐行矣哉

象曰天下雷行物與无妄先王以茂對時育萬物

君子體而用之雷行於天下陰陽交和相薄而成聲於是驚蟄藏振萌芽發生萬物其所賦與洪纖高下各正其性命无有差妄物與无妄也先王觀天下雷

行發生賦與之象而以茂

也盛

對天時養育萬物使各

得其宜耳

初九

陽居震下无妄之主也

无妄往吉

以剛直而往進是以吉也

象曰无妄之

往得志也

君子體而用之以无妄而往无不得其志也蓋誠之於物无不能動以之修身則身正以之臨人則人感而化无所往而不得其志也

六二

陰居震體之中動而順正者也

不耕獲

耕者農之始獲者刈穀而農終也

不菑畲

苗者田一歲也。畝者田三歲也。使田柔和自然，生苗結實耳。蓋謂凡人之所為者，乃妄也。理之所以然者，无妄也。則利有攸往。六二中正有應，皆利也。象曰：不耕獲，未富也。

君子體而用之，易卦之例，陽大陰小，即陽富陰貧。六二爻位俱陰，蓋未富，以其柔順而居動體，以中正而感九五之應，是以不求名而名自彰，不求利而利自得。如是而往，不亦宜乎？蓋謂不耕不苗，不求富貴，无妄之至也。身雖未富，其理當矣。

六三陰居震上无妄之災

雖不中正，以柔履剛，亦謂之无妄之災，以其正應上九貪

動之極也。

欲往也上九无位既往而或繫之牛譬如或得他人走失之牛而繫之意

貪購行人之得復被行邑人之災牛主來取必有訟也

是邑人之災也聖人誠貪之意深切象曰行人得牛邑人災也

君子體而用之三雖應於无位之地苟貪而往不惟无益反致有損耳蓋言不可貪也

九四以剛處柔亦可謂之无妄也可貞无咎蓋切近於君處不中正故不言无妄而言可貞

也以剛健之德行謙巽之道以此正固則得无咎矣可貞與利貞不同可貞謂其所處可貞固守之利貞謂利也於貞象曰可貞无咎固有之也

君子體而用之為臣之道安常守分固守其節而待之

九五

陽居尊位剛中之君也

无妄之疾

五為无妄之君初為无妄之主疑初自任是以有疾

也蓋初以剛直而主於无妄其志未嘗不在承上也

勿藥有喜

若然勿勞藥治而其疾自愈矣苟或

妄治反成害也

象曰无妄之藥不可試也

試用也

君子體而用之人之情妄以理明之既明而无疑矣  
九五疑初篡己之位為疾初无此心明辨其理疑則  
決去疑決則疾愈也故曰勿藥有喜聖人誠疑之意

深切矣

上九

陽居健極无妄之過也

无妄行有眚无攸利

位不中正處卦之窮極其行有

眚故曰无攸利

象曰无妄之行窮之災也

君子體而用之无妄既極而復加進乃為妄矣是窮而為災害也

䷆

乾下艮上

大畜

卦例以陽大陰小而言乾欲進而巽畜之巽為陰卦即以陰卦為小故為小畜

乾欲進而艮畜之艮為陽卦以陽卦為大是謂大畜大莫大於天天在山中所以艮在上而止乾於下皆蘊畜至大之利貞  
凡所畜之大者莫大乎不家食吉  
既道德充積於

內宜在上位以享天祿  
施於天下故不家食吉

利涉大川

所畜既大宜施之於  
時濟天下艱險乃大

畜之用故  
利涉大川

彖曰大畜剛健篤實輝光日新其德剛上而尚賢

變言

此卦自大壯來外卦上下剛  
柔相易故剛上而尚賢也

能止健大正也不家食吉

養賢也

以卦之似體言三四五  
上似頤有養賢之象

利涉大川應乎天也

四三

五上又有舟虛之象互體見震兌有浮水  
象應乎天者又有剛健乾行象皆為利涉

象曰天在山中大畜君子以多識前言往行以畜其德

君子體而用之大莫大於道德為心者然則必由勤

而入畜之之義大矣哉

初九陽居健體之下有厲大畜與他卦取應不同內卦皆止畜之義而受畜於四

也故利已利在止已也初陽之志欲進度其勢不可故不能行也知危宜已是以利也象曰

有厲利已不犯災也

君子體而用之有危則宜止不可犯災危而行也不

度其勢而進有災必矣

九二陽居健體之中受畜於五輿說輟坤為輿以飛伏言乾伏坤故稱輿輿說輟不足以有行也

苟或妄進必犯難也象曰輿說輟中无尤也



君子體而用之初與二乾體剛健而不足以進者以  
其四五二陰居於艮體畜止之象也然而九二居中  
守分故无咎矣

九三

剛居乾上志在上進

良馬逐

乾為良馬初受四畜二受五畜惟三與上同志如良馬上進之

速故曰良馬逐也

利艱貞日閑輿衛利有攸往

九三居正乾體居正處貞正之

道故利艱貞所以外卦見艮艮以止之有艱難之象又乾伏坤為輿日常閑習車輿與其防衛則利有攸往矣

上合志者與上同類相求也

象曰利有攸往上合志也

君子體而用之雖遇艱險以正道而處之更加慎獨

之志防閑靜守其難亦可免矣

六四

陰處柔位得其正也

童牛之牯

二三四互兌兌得坤之第三爻卦例見一奇即乾屬見一

偶即坤屬兌有一偶即坤坤為子母牛故稱童牛元吉牯者施橫木於其角以止其觸上卦為艮艮止也

六四得正切近於君當畜之任者也大臣之任上畜止人君之邪心下畜止天下之惡人人之惡止於初則易既盛而後禁則扞格而難勝故上之惡既甚則雖聖人救之不能免違拂下之惡既甚則雖聖人治之不能免刑戮莫若止之於初如象曰六四元吉有喜也童牛加牯則元吉也

君子體而用之天下之惡已甚而止之則上勞於禁制而下傷於刑誅故畜止於微小之前則大善而吉

不勞而无傷故可喜也四之畜初是也上畜亦然

六五

柔居尊位大畜之君也

豮豕之牙吉

五上剛柔相易見坎坎為豕去勢則豮上卦艮

艮為闕寺豮豕之牙亦艮止而去勢之義五居君位止畜天下之邪惡夫以億兆之衆發其邪欲之心人君欲力以制之雖密法嚴刑不能勝也夫物有總攝事有機會聖人操得其要則視億兆之心猶一心道之斯行止之則戢故不勞而治其用若豮豕之牙牙為猛利若強制其牙則用力勞而不能止其標猛雖繫之維之不能使之變也若豮去其勢雖牙存而剛躁自止其用如此所以吉也

象曰六五之吉有慶也

君子體而用之在上者不知止惡之方嚴刑以敵民

欲則傷甚而无功若知其本制之有道則不勞无傷而俗革天下之福慶有之矣

上九

陽居艮極畜之終也

何天之衢亨

互震震為大塗衢即塗也五上為天天衢即天道耳

畜久必達天道大行理之常也何待通為乎

象曰何天之衢道大行也

君子體而用之何天之衢亨謂天道不待通為而亨者雲行雨施之亨是以畜大而必大變矣君子當以務大而濟衆小者何待修為而成乎

䷲

震下頤卦象上止下動似頤頤之象故名曰頤頤養生之物必自頤入又訓養也

貞吉

養正則吉也

觀頤

卦自觀米故曰觀頤觀其所養養德之方也

自求口實

觀其自養其身

之具也天地養萬物聖人養賢以及萬民頤道之大

彖曰頤貞吉養正則吉也觀頤觀其所養也自求口實觀其自養也天地養萬物聖人養賢以及萬民頤之時大矣哉

象曰山下有雷頤君子以慎言語節飲食

君子體而用之觀其象以養其身慎言語以養其德節飲食以養其體凡為天下國家有九經自修身而

始耳故曰言近而指遠守約而施博也

初九

初居震下妄動而求養者也

舍爾靈龜

頤內柔外剛為離似體離為龜舍爾靈龜者初

九為靈龜龜能息息而自養至靈而有明斷之才

觀我朵頤凶

初與四應貪進於四譬謂朵頤

如見人食物口垂涎之義言初九舍自素有之貴貪慕六四之榮失其正也故凶震動也艮止也養貴靜不貴動故下三爻震體皆凶

象曰觀我朵頤亦不足貴也

上三爻艮體皆吉也

君子體而用之人之貴乎剛者為其能立而不屈於貪也貴乎明者為其能照而不失於正也既惑所貪而失正何剛明之有為可賤也

六二

陰居震顛頤

陰必從陽始可遂其生也蓋頤卦惟體之中顛頤上下二陽二雖中正上无應援不得

其養若求養於上九之陽以上養下理所宜養也反求於下則顛倒其理故曰顛頤拂經于丘頤

艮為山丘象丘頤指上九之陽苟求養于上九却非正應故拂違經常不可行也

征凶進故凶

或問六二中正在他卦多吉而于此卦獨凶何也曰時然也陰柔既不足以自養初上二爻皆非其所與故失類往來則悖象曰六二征凶行失類也

君子體而用之雖處中正當待時而動也故曰趨時

為大

六三

陰居震上拂頤貞凶

以陰柔之質而處不中正又在動極上應上九九又无位

是陰邪不正而動者也拂違於頤十年勿用无攸利乃  
養之正道縱能謹守貞固亦凶矣  
拂違正道故戒以十年勿用十是數  
之終謂終不可用无所往而利也  
象曰十年勿用道

大悖也

君子體而用之義理既悖安可行乎哉

六四

陰居艮體  
下以柔正顛頤吉

上求於下顛倒也二顛頤則凶  
四顛頤吉者何也蓋二求於初

非己之應養不以正是以凶也四與初為正應蓋四以  
柔正之德當大臣之位而求於在下剛正之賢頤顛倒

不失其正虎視眈眈

眈以飛伏而言艮伏兌為虎虎視眈眈  
是以吉也虎視眈眈眈者其威嚴眈眈然如虎視則能

重其體貌其欲逐逐无咎

養虎須當逐逐相繼接濟其飢不  
然必致噬人譬君之救民當以重



其體貌逐逐賜惠而不乏其民可濟故象曰顛頤之吉  
謂上施光澤普及天下亦何咎之有

上施光也

君子體而用之乾道循環生生无窮則萬物存反此  
則萬物絕為人上者則而行之人民生悖而違之人  
民死故聖人誠諭濟民施光之義深切矣

六五

陰居艮體之中柔順之君也

拂經

下无正應未免從上九之陽故違拂經常也言五陰柔之

君才不足以養天下反賴順從在近剛陽之賢輔弼其養雖能濟用終始无位之士故拂經

居貞吉

陰柔之質无貞剛之性故戒以能居貞則吉矣

不可涉大川

頤卦全體亦虛故可涉川却被艮止

不可涉也譬君柔弱不可涉險也

象曰居貞之吉順以從上也

君子體而用之當以舍己之私從順他人之正莫大之吉矣

上九

陽剛處於艮體之終頤養之主也

由頤

上九以剛陽之德居師傅之任六五之君柔順而從

於上九賴上九之養是當天厲吉人臣而當是任必利

下之任由之以養也故由頤

涉大川

當天下之大任宜竭其才力濟天下之艱危成天下之治安故曰利涉大川蓋為此又有應也

象曰由頤厲吉大有慶也

君子體而用之如伊尹周公何嘗不憂勤兢畏故得

大慶之吉也



巽下兌上

大過

卦例陽大陰小四陽二棟橈四陽居中陰大者過也故名大過

棟橈

上下二陰

本末俱弱不勝其任故有棟橈之象棟取四利有攸往陽謂勝重今又橈橈取上下二陰謂本末弱

亨

剛雖大過而二五得中又上卦兌說下卦巽順所以處大過之時以中道異而說行故利有攸往乃所以

能亨也

彖曰大過大者過也棟橈本末弱也剛過而中巽而說行利有攸往乃亨大過之時大矣哉

象曰澤滅木大過君子以獨立不懼遯世无悶

君子體而用之蓋謂趨時為大故曰趨時之宜大矣  
哉所以取陽盛陰衰之時當君子制事隨時取中進  
退不失其正乃確乎其不可拔即中正仁義而主靜  
者人極也人極者聖人也聖人詳其澤潤能養木者  
反致滅沒於木則過甚矣故為大過君子觀大過之  
象隨時取宜以立其大過人之行君子所以大過人  
者以其能獨立不懼遯世无悶也天下非之而不顧  
獨立不懼也舉世不見知而不悔遯世无悶也如此

然後能自守所以為大過人也

初六

陰居巽下過於柔順者也

藉用白茅

初以陰柔巽體而處下過於畏慎者以柔在下用茅

藉物之象茅之為物雖薄而用可重者取其柔順也白者取其潔淨如祭酌獻苟措諸地而可矣藉之以茅則是行柔順敬慎之道也

无咎

君子處大過之時以潔自守以柔順承上何咎之有

象曰藉用

白茅柔在下也

君子體而用之處大過之時事在幾微初當以潔白而自守柔順而處於卑下畏敬而承上慎之至也

九二

剛居巽體之中剛中之臣也

枯楊

兌為澤巽為木澤水近水之木楊柳木也又巽木遇兌兌

為秋也秋楊枯  
也故曰枯楊生梯  
九二上无應援下比初六之柔剛

梯梯者  
也  
老夫得其女妻  
九二陽剛居初六陰柔之上陽

妻  
无不利  
老夫得其女妻則能生育无不利矣  
象曰老夫女妻過以相與

也

君子體而用之老夫之說少女少女之順老夫其與

過於常分謂九二初六陰陽相與之和過於常也過

於常者无所往而不可耳

九三  
三以陽居下卦之棟橈正應上六爻位凶九三爻

極過於剛者也

俱柔不能重載  
位俱剛

大過剛矣動則違於中和而拂於衆心安能當大過象之任乎故不勝其任如棟橈之傾敗其室是以凶也

曰棟橈之凶不可以有輔也

君子體而用之剛強之過則不能取於人人亦不能親輔之如棟橈折不可支輔也棟當室之中不可加助是不可以有輔也

九四

四陽居陰不過於剛也

棟隆吉

四居近君之位當大過之任者也以剛居柔能用其柔即

剛柔相濟不過於剛矣故勝其任如棟之隆起是以吉也

有它吝

若處大過之時既得其吉不止又貪

下與初六之陰相應則過也故它吝

象曰棟隆之吉不橈乎下也

君子體而用之丈夫當以襲上不可襲下故進則吉退則凶也

九五

以剛陽中正而處尊位過於用剛也

枯楊生華

在二陽榮於下為生梯在五陽榮於上為

生華故曰枯楊生華

老婦得其士夫

上六陰柔居九五剛陽之上別无正應互相求之故陰居

上譬老婦陽處下為士夫矣

无咎无譽

如老婦配士夫雖得相與終无生育之意然无過咎亦不

為美也故无咎无譽

象曰枯楊生華何可久也老婦士夫亦可醜

也

君子體而用之枯楊不生根而生華旋復枯矣安能



久乎老婦得士夫豈能成生育之功亦為可醜也

上六

陰居大過之極過常越理者也

過涉滅頂凶

兌為澤上為頂柔居兌體之極如過於涉

險渡水而致於滅頂凶之道也

无咎

上六陰柔處於過極之位以仁義處心發拯溺之志却无過人之才

更處无位之所欲為大過人之事不顧危亡履險蹈禍其凶可知本有咎矣其志願以報國拯濟其民乃至殺身成仁何怨何咎之有象曰過涉之凶不可咎也

君子體而用之士之特立獨行者適於義而已不顧人之是非皆是豪傑之士信道篤而自知明者也或曰怨乎曰求仁而得仁又何怨是以不可咎也



坎下習坎者險也陷也一陽陷於二陰為坎卦重

為習坎險中之有孚其卦外陰內陽即外虛內實實者

險也故曰習坎誠信也崔公所謂天應星地應潮

其驗晝夜兩潮隨月出沒而不違維心亨維其誠一故

時故曰行險而不失其信者也蓋以誠一而行則能出險

可以通金石蹈水火行有尚有可嘉尚謂有功也故不

何險難不可亨也行則常在險中矣

彖曰習坎重險也水流而不盈行險而不失其信維心

亨乃以剛中也行有尚往有功也天險不可升也地險

山川丘陵也王公設險以守其國險之時用大矣哉

象曰水洊至習坎君子以常德行習教事

君子體而用之觀水洊至成習坎之象內以孚誠進德修業外用剛中習熟教令當無險設有險之用夫發政行教必使民熟於聞聽然後能從故三令五申之若驟告未喻遽責其從雖嚴刑以驅之不能也當如水之洊習矣又濟險之時行剛中孚誠之道固國安民誠非小事故曰險之時用大矣哉

初六

初居坎體最下深陷者也

習坎入于坎窞

窞者坎中小坎也陰柔處下上无應援不

能出險陷凶陰暗之小人處險而設險欲限君子象曰  
於深險也至于反陷自己入于坎窞所以凶也

習坎入坎失道凶也

君子體而用之誠諭陷人者必自陷切不可悖理失  
道故曰出乎爾者反乎爾也

九二陽陷陰中坎有險二當坎險之時上下二陰之  
有險者也中乃至險之地是有險也

求小得然其剛中之才雖未能出乎險中亦可小自  
濟不至如初益限入于深險是所求小得也象

曰求小得未出中也

君子體而用之處險難而能自保者剛中而已剛則

才足自衛中則動不失宜僅能自濟而小得猶未出於坎中之險也

六三

陰居重險之間不中不正陰險之小人也

來之坎坎

退來入險進去亦險進退皆坎也

險且枕

枕謂支倚也履于重險倚險而又設險欲限忠良也

入于坎窞

險中設險益自陷身

於深險也

勿用

故戒之曰不可用也

象曰來之坎坎終无功也

君子體而用之進退皆險處又不安若用此道當益入於險終豈能有功乎以陰柔處不中正雖平易之地尚致悔咎况處險乎險者人之所欲出也必得其

道乃能去之求去而失其道益困窮耳故聖人戒六

三之所處不可用也

六四

陰居柔位得正者也

樽酒簋二

非止見需有坎曰需于酒食又見未濟有坎曰孚于飲酒

然則坎有飲食之象乎六四雖然得正近于九五剛柔相際君臣僅能相悅却緣下乘陰險小人所處終不安矣當此之時惟能以誠敬交于上以質實接于下雖未成濟險之功亦可保終身无咎也夫欲上之篤信唯當盡其質實而已多儀而尚飾莫如燕享之禮最盛故以燕享喻之言當不尚浮飾唯以質實所用一樽之酒二簋之食簋盛黍稷之方器用缶復以瓦缶為器質之至也納約自牖亦不用甚至用瓦缶耳牖訓牕也如暗室開牕通明者也蓋謂進結于君之道欲格君心之非當隨明通而入矣故曰納約自牖終

无咎就于明處實忠心而告象曰樽酒簋二剛柔際  
之雖遇險難終得无咎也

也

君子體而用之能諫其君者未有不因其所明者也  
故訐直強勁者率多以取忤有溫厚明辨者其說多  
而行順蓋謂君臣交際之道也

九五

陽居尊位剛中之君也

坎不盈

不至于盈得中之謂也

祗

音支宜音抵至也

既

已平

謂至已平則不至于溢

无咎

五以剛陽中正而處君位无濟難之輔安能成濟世之功是以

有咎矣賴存剛中之德但不至盈溢故既至平矣雖中未大濟但得以自濟不犯于險難是以无咎也象

曰坎不盈中未大也

君子體而用之所言中未大者猶二求小得之義二五俱得中雖有剛中之才皆陷二陰之中不能出險僅得自保又豈能普濟而成功乎故曰中未大也

上六

陰居坎險之極陰險之小人也

係用徽纆

音墨徽纆皆繩索也

寘于叢棘三

歲不得凶

上六以陰柔而居險之極譬小人設險欲陷君子之深者也以其設險之深取牢獄為喻

如係縛之以徽纆囚寘于叢棘之中陰柔而陷之深其不能出矣故云至三歲之久不得免也其凶可知凡三與十者數之變也三者數之小象曰上六失道凶三歲變十者數之大變蓋言其久也

象曰上六失道凶三歲



也

君子體而用之誠諭奸險小人處于高位違道悖德  
設險而欲陷忠良至于歲久計窮力盡反為自陷是  
以凶也故曰失道



離下離麗也麗者附也他物皆不必附麗而後見  
離上離惟火非附麗則不見或附于石或附于木

未嘗空虛无所附麗而自立者故火配離取陽多以陰  
為主陰多以陽為主者故火內闇而外明是一陰居中  
水內明而外闇是一陽居中故陽附陰陰附陽即陽根  
陰陰根陽也如此可以觸類而長之引而伸之也天下  
萬事萬物不利貞亨

指五二而言也陽多以陰為主五  
二俱陰係上下二卦之主處皆中

正故曰重明以麗乎正乃化成  
天下柔麗乎中正故貞亨也

**畜牝牛吉**

陽多以陰為主者即是坤

為主也卦飛伏例見一陰耦畫便伏坤見一陽奇畫便伏乾所以陰為主者坤也坤為子母牛即牝牛也坤順也牛性以順致取二五以柔順麗乎中正而養成文明之德至善者也故吉

彖曰離麗也日月麗乎天百穀草木麗乎土重明以麗乎正乃化成天下柔麗乎中正故亨是以畜牝牛吉也  
象曰明兩作離大人以繼明照于四方

君子體而用之以明明使人昭昭者可謂文明之治也

初九陽處離下

履錯然

初九剛陽志在上進離性炎上志在上麗幾於躁動其履錯然

謂交錯也敬之无咎

剛明之才而履離明之始明德既彰衆之所忌者苟或恃明而躁進必然有咎

也惟當敬畏自晦而避之何咎之有矣

象曰履錯之敬以辟咎也

君子體而用之可以閭然而日章不可的然而日亡

六二

陰柔居中文明者也

黃離元吉

黃者中色也得坤之中爻中之中也離者明也中正文明

美之盛也以中正之德處大臣之位上同中順之君可謂大善也故无咎

象曰黃離元吉得

中道也

君子體而用之正者不必有中也中者光被四表格

于上下允執厥中之中堯舜授受不已者也故曰得其道矣

九三

三處兩離之間

日昃之離

前明已盡後明未繼如日將沈沒之象也故曰日昃之離耳蓋

謂明達之士知其常理纔見前明將盡後明必當繼之盛必有衰始必有終常道也達者順理為樂鼓缶而歌樂其常矣缶者

不鼓缶而歌則大耋之嗟凶

不達理者則恐恒有

常用之器也將盡之悲乃大耋之嗟為其凶也此處生死之道耳耋與眊同象曰日昃之離何可久也

君子體而用之聖人以此警拔後學譬謂日盈則昃

月盈則虧日月尚爾況於人乎況於天下乎治亂興衰存亡得喪皆理之常也知命者視死如歸順理為樂前明雖盡後明繼之何足以為凶繫辭所謂樂天知命故不憂莊子鼓盆而歌孔子曳杖於兩楹之間皆此義耳

九四陽居上體之下

突如其來如

繼明之初當以誠敬而承繼於上則善繼

矣不然反以陽剛躁進於君焚如又四所處不中過剛故突如其來失善繼之道耳焚如而有陵爍之勢氣焰如焚然故死如六五文明之君固守其中九四雖剛所曰焚如處不中不待懲誠而其勢自燼故曰死

如棄如以剛陵上甚悖其理人所不容衆象曰突如其

來如无所容也

君子體而用之蓋謂上陵其君不順所承違道悖理人惡衆棄天下所不容其凶可知也

六五

陰居尊位文明之主也

出涕沱若

沱達何切滂沱也涕音體目汁也出涕至于滂沱憂

慮之

戚嗟若

悲戚而嗟歎也

吉

六五之君下乘剛強之臣衝突而求所處不安常懷警畏深思

遠慮固守其中而養文明之德所以能保其吉也

象曰六五之吉離王公也

君子體而用之居上而文明離王公之正位當以明

察事理畏懼憂虞以持之所以能吉也不然豈能安乎

上九陽居離上剛明之極也

王用出征有嘉

離為甲冑為戈兵有征伐之象也所謂剛

明之道剛則能斷明則能察王公以此行用征伐有嘉美之功矣

折首

但誅元惡之首故曰折首獲

匪其醜无咎

所獲不得已而脅從者匪其醜類也故縱放之明斷如是則无殘暴之咎矣書曰殲


厥渠魁脅從罔治

象曰王用出征以正邦也

君子體而用之蓋謂殺一不辜寧失不經耳當以剛

斷明察並除天下之惡以正治其邦國剛明居上之

道也





周易原旨卷三

欽定四庫全書

經部

周易原音卷

五四

詳校官內閣學士臣瑞保

通政使司副使臣莫瞻菴恭校

總校官檢討臣何思鈞

校對官助教臣陳木

謄錄監生臣馮觀潮

欽定四庫全書

周易原旨卷四

元保巴撰



艮下兌上咸咸者感也卦自否來乾坤二卦正應相易

則之理所以微始無始神為無為勿名勿迹萬事萬物  
匪依陰陽相亨乾坤剛柔相感成兌艮二少艮為山為  
感則非也止為少男兌為澤為悅為少女既止而  
山澤通氣是以亨也利貞故斷以誠相感必得其貞  
正取女吉既得貞正即能成生長化育之功也故曰取  
女于男夫  
婦之常也

彖曰咸感也柔上而剛下二氣感應以相與止而說男  
下女是以亨利貞取女吉也天地感而萬物化生聖人  
感人心而天下和平觀其所感而天地萬物之情可見  
矣

象曰山上有澤咸君子以虛受人

君子體而用之凡受於人者當以虛其中而受之則  
能入矣虛中者無我也無我者無心也無心感物者  
咸感也咸感者中無私主所感無不應矣

初六

陰居最下感之初也

咸其拇

易咸艮二卦專以人身取象此卦六爻皆應宜動以靜為主艮

卦宜靜以動為主此謂易之大理也拇者足之大指咸其拇者謂足之大指居下而在外感之淺也人之舉行必待心先動而足應之耳拇指焉能感動於人物乎蓋謂初以陰柔之質處於卑下雖有九四為正應又不中

正亦未宜輕進且待九四先動而後應是則不失其理矣

象曰咸其拇志在外也

君子體而用之初欲上進而外應於四初四俱不中正苟以不中正而相感者志雖在外動則有失感應之道矣

六二

陰居下體之中腓之象也

咸其腓凶

腓謂足肚也人之舉行必待心先感而後足舉則腓

隨而動理之常也其心未感足未舉而  
腓自動不祥之兆也故曰咸其腓凶

居吉

二與五為正應雖中

正亦不宜妄動止不求而自躁進失中正之德是以凶也若守中正之道待上感而後應則順理而無害故曰  
居吉象曰雖凶居吉順不害也

君子體而用之二居中得正所應於五又得中正其  
才本善以其在咸之時質柔而上應故戒以先動求  
君則凶居以自守則吉象復明之云非戒之不得相  
感唯順理則不害謂守道不先動也

九三

陽處下體之上股之象也

咸其股執其隨

股在身之下足之上所為不能自由必隨

身動故曰往吝三處不中不能自守上應悅極不循其理感悅而往所執如此不亦羞吝乎

象曰咸其股亦不處也志在隨人所執下也

君子體而用之前二陰爻皆有感而動三雖陽爻亦然故云亦不處也不處謂動耳有陽之才而不能自主其理志反在於隨人是所操執者卑下之甚也聖人之戒深切矣

九四

四居三陽之中咸之主也

貞吉悔亡

以陽處陰所處不正本有悔也四居胸之下胸是背

脊肉股之上為心心以主靜為本心能貞靜若無即無私係則吉而无悔故曰貞吉悔亡矣 憧憧往

來朋從爾思

蓋謂一物各有一太極人身以心為極心以靜為主周子故云寂然不動者誠也感

而遂通者神也動而未形有無之間者發也所以發動於此感應之道深切著明矣萬事在幾未有感害之先當以存心養神物來即應耳不然若憧憧然於往來之間但從私係亂其心神多思多慮致被雜念所亂則思慮所及者朋類從之或思慮不及者朋類不從難成皆感之功矣

象曰貞吉悔亡未感

害也憧憧往來未光大也

君子體而用之貞則吉而悔亡未為私感所害也係私應則害於感矣憧憧往來以私心相感感應之道狹矣故未光大也蓋謂先靜其心使致鑑空衡平物



各附物不以纖毫障蔽故曰天下何思何慮天下同  
歸而殊塗一致而百慮天下何思何慮反復而言者  
叮嚀懇切謂雖物有萬殊事有萬變統之以一一即  
心誠貞正而已感道如此無物不應矣

九五

陽居尊位中正之君也

咸其脢无悔

九五尊位當以至誠咸感於天下也若正應二

比上若係二而說上則偏私淺狹非人君之道矣又謂脢背肉也與心相背而所不見言能背其私心感非其

所見而說者則得人君感天下之正而无悔也

象曰咸其脢志末也

君子體而用之蓋謂為人上者不可有纖毫私係雖

悔與心相背而所不見其係終未為全善僅能无悔而已故曰志末也

上六

陰居兌上為悅之主

咸其輔頰舌

兌為口輔頰舌者皆口屬也輔音父助也弼也亦姓

頰頰二同音父皆頰骨也頰居牒切面旁也不直云口而云輔頰舌者亦猶今人謂口過曰唇吻曰頰舌也輔頰舌皆用以言也上六居感之極是其欲感物之極者也則不能以至誠感物而發見於口舌之間小人女子之常態也豈能動於人乎

象曰咸其輔頰舌滕口說也

君子體而用之蓋謂唯至誠為能感人乃以柔說滕揚於口舌談其虛辭媚語為陰暗小人之態豈能感

於人乎



震下恒以卦變言恒自泰來初之剛上而居四四

尊而女卑男外而女內皆經亨无咎利貞誠能久常其

道無休無息可以致亨通利有攸往所謂恒者非一定

而无咎然而利在正固矣恒之正而恒之恒得其正无所往而非利矣

彖曰恒久也剛上而柔下雷風相與巽而動剛柔皆應

恒恒亨无咎利貞久於其道也天地之道恒久而不已

也利有攸往終則有始也日月得天而能久照四時變

化而能久成聖人久於其道而天下化成觀其所恒而天地萬物之情可見矣

象曰雷風恒君子以立不易方

君子體而用之觀雷風相與成恒之象以常久其德自立於大中常久之道不變易其方所也

初六

陰處恒之最初陰柔不及者也

浚恒

巽為入浚者入之深也初居巽下與四為正應四居震體

而陽性以剛居高志上而不下又為二三所隔初居陰柔又不居正不量自己之才又不度四之高遠之勢素志守恒而求上應故知恒而不不知變求恒之深者也

貞凶无攸利

知幾之士陽用中理必獲常矣

不知幾者堅守失其常凶必至  
矣凶至何所往而得其利乎  
象曰浚恒之凶始求深

也

君子體而用之蓋謂陰暗小人不得恒之宜也以陰  
柔之質居恒之始不度高上之勢而輒求深於上應  
是知常而不知變者豈能知幾哉

九二

陽居陰位  
非常理也

悔亡

在恒之義居得其正則常道也九  
陽爻居陰位非常理也處非其常

本當有悔以其九二中德而應於五五又居中以中而  
應中其處動皆得中也是能恒久於中矣能恒久於中  
則不失正矣中重於正中則正矣正不必有中也有中  
以剛中之德而應於中德之勝也足以亡其悔矣人能

識重輕之勢則可以言易也

象曰九二悔亡能久中也

君子體而用之得悔亡者由其能恒久於中也人能恒久於中豈止亡其悔是德之善也

九三

陽居陽位處得其正也

不恒其德

三爻陽居陽位處得其位是其常處也乃志從於上

六不唯陰陽相應止以風復從雷於恒處而不處不恒之人也故德不常

或承之羞

則羞辱或承之

矣或承之謂有時而至也

貞吝

固守不恒以為恒豈不可羞吝乎

象曰不恒其德无

所容也

君子體而用之人無常德無所容其身矣

九四

陽居震下動之主也

田無禽

以陽居陰處非其所若居他人之位安可常處而久託乎哉以

田為喻言九陽之居四陰非其位而雖處恒久亦如田獵而無禽獸之獲謂徒用力而無功也象曰久

非其位安得禽也

君子體而用之處非其位雖欲久處何所得乎是故

以田為喻故云安得禽也

六五

陰居尊位柔得中也

恒其德貞婦人吉夫子凶

五應於二以陰柔而應陽

剛居中而所應又中陰柔之正也故恒久其德則為貞也夫以順從為恒者婦人之道在婦人則為貞故吉若丈夫而以順從於人為恒則失其剛陽之正乃凶也五君位而不以君道言者如六五之義在丈夫猶凶況人

君之道乎在他卦六居君位而應剛未為失象曰婦人也在恒故不可耳居道豈可以柔順為恒也

貞吉從一而終也夫子制義從婦凶也

君子體而用之震為長男五陰本柔巽為長女二陽本剛則是柔弱之男子順從剛強之婦人乃為妾婦之道以順為正者也故女子吉丈夫凶矣

上六

陰居震之最上動之又動者也

振恒凶

此振者速也如振衣如振書抖擻運動之意在上而

其動無節以此為恒反致凶矣

象曰振恒在上大无功也

君子體而用之陰柔在上則當守其安靜久常其德



可也今反以陰質躁動要功安得有成乎不惟无功久且撓亂有損矣故曰大无功也



艮下遯遯者退而隱也陰長陽消君子遯隱之時也

亨

君子遯隱以伸其道道不屈則

為亨故遯所

小利貞

陰小陽大二陰方長之時喻小人之道漸長未至於隆盛之際知幾

之士遯而隱之固善然終失其忠孝之失矣務大而忘小之君子居剛之位言五二即當隨時取宜杜漸防微預以雍容和緩俯就陰小不惡而嚴固守天地生育之理以仁義而主之使致小人無由而遽盛耳故曰小利貞

彖曰遯亨遯而亨也剛當位而應與時行也小利貞浸

而長也遯之時義大矣哉

象曰天下有山遯君子以遠小人不惡而嚴

君子體而用之天下有山山下起而乃止天上進而相違是遯避之象也君子觀其象以避遠乎小人遠小人之道若以惡聲厲色適足以致其怨忿唯在乎矜莊威嚴使知敬畏則自然而化矣

初六

陰柔在下遯之下及者也

遯尾

遯之在後也諸卦尚進以初為先遯卦尚退以初為後即上為

首初為尾

厲

遯以尾者遯在最後遯之不及危厲之道也故曰厲

勿用有攸往

不可

用此而往往  
則必危殆矣  
象曰遯尾之厲不往何災也

君子體而用之見幾先遯固為善也遯而為尾危之道也往既有危不若不往而晦藏可免於災處微故也古人處微下應亂世而不去者多矣

六二

陰居艮體之中所處中正敦篤者也

執之用黄牛之革

執者一定之辭黃者中色

二伏坤坤為牛者柔順之獸革皮也其皮至堅

莫之勝說

蓋謂二以中正而順於五五以剛健而親

於二二五之志允執厥中其堅固不可勝言也

象曰執用黄牛固志也

君子體而用之上下以中順之道相固結其心志甚

堅如執之以牛革也

九三

陽處艮上為止之主

係遯

上無正應陽說於陰以其下比二而係之也故曰係遯

有疾

厲

以二為係累之疾不能遠遯是以有危厲矣

畜臣妾吉

下說二陰睽比而相親於臣妾小人

女子惠而私愛而畜養之至得其心而為吉終不可任大事矣

象曰係遯之厲有疾憊

也畜臣妾吉不可大事也

君子體而用之遯而有係累必以困憊致危其有疾乃憊也蓋力亦不足矣以此睽愛之心畜養臣妾則吉豈可以當大事乎

九四

陽居健體之下剛明果斷樂善而好遯者也

好遯君子吉

君子處此不為私愛所累

是以吉也

小人否

苟或下應於六則是牽於私愛而害於遯反以為凶故否也

象曰君子

好遯小人否也

君子體而用之君子好遯而不失於義小人反是而

至於不善也

九五

陽居尊位中正之君也

嘉遯貞吉

五與二應本為私係由具二亦中正所以處其心志

及乎動止莫非中正而無私係之失矣可謂嘉遯也故為貞正之吉

象曰嘉遯貞吉以正

志也

君子體而用之志正則動必由正所以為遯之嘉也  
居中得正而應中正是其志正也所以為吉人之遯  
也正也者唯在正其志而已矣

上九

陽居健體之極明斷果決者也

肥遯无不利

肥者充大寬裕之意遯者唯飄然遠逝無

所係滯之為善上九乾體剛斷在卦之外矣又下無所  
係是遯之遠而無累可謂有餘裕也遯者窮困之時也  
善處則肥矣其遯如此何所不利

象曰肥遯无不利无所疑也

君子體而用之其遯之遠無所疑滯也蓋在外則已  
遠無應則無累故為剛決無疑何所不利矣



乾下震上

大壯利貞

陽大陰小四陽二陰大者壯也此以卦體釋卦名也乾剛震動剛以

動故壯此以卦德釋卦名也大壯利於貞者陽正陰邪陽為大又為正大者正也正大則无不利正大而天地之情可見矣

彖曰大壯大者壯也剛以動故壯大壯利貞大者正也正大而天地之情可見矣

象曰雷在天上大壯君子以非禮弗履

君子體而用之雷震於天上大而壯也君子觀大壯之象以行其壯君子之大壯者莫若克己復禮古人

云自勝之謂強中庸於和而不流中立而不倚皆曰  
強哉矯赴湯火蹈白刃武夫之勇可能也至於克己  
復禮則非君子之大壯不可能也故曰君子以非禮  
弗履

初九

陽居健體之初用者壯也

壯于趾

初陽剛乾體而處下壯於進者也

征凶

趾在下而進動之物九在下用壯而不得其中夫以剛處壯雖居上猶不可行況在乎下故征則凶

矣

有孚

孚信也謂以壯而往則得凶可必也

象曰壯于趾其孚窮也

君子體而用之在最下而用壯動不以禮所行欲必



信則致困窮矣

九二

陽居陰位剛柔得中也

貞吉

當大壯之時剛柔兼濟得中而不過於剛是以獲貞正之吉也

象曰九二貞吉以中也

君子體而用之所以貞正之吉者以其得中道也中則不失正況陽剛而乾體乎

九三

陽居健之上過於用剛者也

小人用壯

恃剛勇而躁進故曰用壯

君子用罔

知其非禮而弗

貞厲

君子有勇而無義為亂莫若剛柔得中則不折不屈施於天下無不

履故曰用罔

宜苟以剛之太過則無和順之德止以堅固守壯必致危厲矣

羝羊觸藩羸其角

兌為羊互

體見兌凡物莫不用其壯齒者齧角者觸蹄者蹠羝者壯羊也羊壯於首羝為喜觸故取為象羊喜觸藩籬九四當其前有藩籬之象也蓋所當必觸喜用壯如此必羸困其角矣猶人尚剛壯所當必用必至摧困也九三壯甚如此而不至凶何也曰如三之為其往足以致凶而方言其危故未及於凶也凡可以致凶而未至者則曰厲象曰小人用壯君子罔用也

君子體而用之其壯用之者則為小人罔用之者則為君子聖人垂訓深切著明矣

九四

陽居震體尚動者也

貞吉悔亡

以陽處陰本有悔也當壯之時以剛處柔不過於剛所以

得正固之

藩决不羸

如剖開藩籬道通而上進無所礙也

壯于大輿之輹

輓與輻同互體見乾乾伏坤坤為大輿也  
如車輪輻之堅壯乘之至遠謂壯於進也  
象曰藩決不羸尚往也

君子體而用之震體主動上進遇柔無所窒礙壯之善也

六五

陰居尊位治壯之君也

喪羊于易无悔

羊羣行而喜觸以象諸陽並進言四陽方

長而並進五以柔居上其位不當若以力制則難勝而有悔唯和易也如此則可以无悔矣

象曰喪

羊于易位不當也

君子體而用之故謂喪羊于易之義蓋謂六五處位

不當以柔居尊欲治羣陽必以和易之道制之然大率治壯不可用剛故曰柔能勝剛弱能勝強

上六

陰居動極非所處而處者也

羝羊觸藩

羝羊但取其用壯故此爻亦稱之羝羊觸藩謂

上六以陰處震終而當壯極其過可知故稱如羝羊觸其藩籬矣

不能退不能遂无攸

利

反被藩籬所桎進則礙其身退則妨其角其致如此无所往而得利也

艱則吉

莫若克艱正固

則反壯為柔而得吉矣又居壯之終有變之義也

象曰不能退不能遂不詳也

艱則吉咎不長也

君子體而用之非其處而處之者故進退不能是其

自處之不詳慎也艱則吉者柔遇艱難又居壯極自然當變矣變則得其素分所謂過咎不長則吉也



坤下晉進也以卦象言明出地上日之進也以卦德言順而麗乎大明德之進也以卦變言

晉自觀來柔進而上行柔進也晉為進盛之時大明在上而下體順附諸侯承王之象也康侯故為

康侯者治用錫馬錫者賜也坤有牝馬又著庶衆多也安之侯也互體見坎坎有馬象上卦坤

坤為衆蓋謂上之大明寵賜治安晝日三接不唯重賜之侯多以車馬之類言其重賜也書日三接之厚又有

親禮晝日之中至於三接言寵遇之至也晉即言進盛之時上明下順君臣相得在上而言則進於明盛在臣

而言則進升高顯受其光寵也

彖曰晉進也明出地上順而麗乎大明柔進而上行是以康侯用錫馬蕃庶晝日三接也

象曰明出地上晉君子以自昭明德

君子體而用之而以自昭其明德者去蔽致知昭明德於已也明明德於天下者昭明德於外也明明德在已故云自昭

初六

陰居順體之下初進者也

晉如摧如

處位不當又兼初進所以謹於進而懼若摧如也

貞吉

所行正固則得其吉

罔孚裕无咎

處身卑下未顯誠信於上唯寬裕待之則无咎也蓋

謂半微之君子初進於道未蒙上之見信唯以正固養德無急求上之信以誠自守直至時至道行方可獲吉而元  
咎矣 象曰晉如摧如獨行正也裕无咎未受命也

君子體而用之無進無抑唯獨行正道也寬裕則无咎者始欲進而未當位故也君子之進退或遲或速唯義所當未嘗不裕也聖人恐後人不達寬裕之義居位者廢職失守以為裕故特云初六裕则无咎者始進未受命當職任故也若有官守不信於上而失其職一日不可居也然事非一槩久速唯時亦容有

為之兆也

六二

以柔居陰中正之臣也

晉如愁如

上無應援以中正柔德非強於進者也故於進

為可愁謂其進之難也

貞吉

然守其貞正則當得吉

受茲介福于其王母

一見

耦畫便伏坤坤為母王母即祖母也謂陰之至尊指六五耳二以中正之道自守雖上無應援不能自進然其中正之德久而必彰上之人自當求之蓋六五大明之君必當求之今受介大之福祿故曰受茲介福于王母矣

象曰受茲介福以中正也

君子體而用之人能固守中正之道久而必亨而況與上同德者乎故曰受茲介福也



六三

柔居坤體之上極順者也

衆允悔亡

處不中正本有悔也坤爲衆人與上應而有衆所順

從之象雖不中正其悔亡矣或曰不由中正而與衆同得其善乎曰衆所允者即舍已從人樂取於人以為善必至當矣况順上之大明豈不善耶古人云謀從衆則合天心象曰衆允之志上行也

君子體而用之順而麗乎大明柔進而上行衆志之

所同也

九四

剛居離體之下處不正切近君位也

晉如鼫鼠

二三四互艮艮爲鼠九四非其位而

居之小人之象貪據其位者也故如鼫鼠鼠性好貪而畏人譬人處位而不得中正雖身貪心終畏而不能坦然此小人貞厲所處不當又貪高而上進然加貞固堅之道也守其危可知矣凡言貞厲者開有改之

也道  
象曰鼫鼠貞厲位不當也

君子體而用之深戒小人不可為治耳故譬鼠焉

六五

柔居離體之中  
大明之君也

悔亡

六以柔居尊位本當有悔以  
其大明而下皆順附故悔亡

失得勿恤

自得大明之位當推誠委任盡眾人之才通  
天下之志勿復自任其明故曰失得勿恤

往吉无不利

六五大明之主不患其不能明照患其用  
明之過甚至於太察太察者泥於一事不

能普照有失委任之道也六五居中所得者大明也大  
明即是過明過而失中寧失所得之大明不可失中也  
失中者即失道矣故曰失得勿  
恤往吉无不利恤是憂恤也

象曰失得勿恤往有慶

也

君子體而用之以大明之德得下之附推誠委任則可以成天下之大功是往而有福慶也

上九

陽處最上剛過明極也

晉其角

居卦剛而居上之物上九以剛居上剛之極也剛極則有強猛之過進極躁急之失以剛而極於進失其中之甚也

維用伐邑厲

吉无咎

無所用而可維獨用於伐邑則雖厲而吉且无咎伐四方者治外也伐其居邑者治內也言伐

邑謂內自治也

貞吝

以盡其貞固而自治然非中和之德亦失其道而猶吝矣蓋謂不可失其中和之道

也反此貞亦吝耳故曰貞吝

象曰維用伐邑道未光也

君子體而用之夫道既至光大則無不中正安有過

乎今方以伐邑而自治未及中正之道故曰未光大矣



離下坤上

明夷利艱貞

夷傷也下離火而上坤土有明入地之象故曰明夷言傷明也

互體見坎坎為陷故曰利艱貞言遇險宜貞固而處難也蓋謂君子當明夷之時利在知艱難而不失其貞正也在昏暗艱難之時而能不失其正所以為君子也

彖曰明入地中明夷內文明而外柔順以蒙大難文王以之利艱貞晦其明也內難而能正其志箕子以之象曰明入地中明夷君子以莅衆用晦而明

君子體而用之明所以照君子無所不照然用明之  
過則傷於察太察則盡事而無含弘之度故君子觀  
明入地中之象於蒞衆也不極其明察而用晦然後  
能容物和衆衆親而安是用晦矣乃所以為明也若  
自任其明無所不察則不勝其忿疾而損寬厚含容  
之德人情睽疑而不安必失蒞衆之道適所以為不  
明也古之聖人設前旒屏樹者不欲明盡乎隱也蓋  
謂處暗而觀明者貞明也

初九

陽居離體之初見傷明之始也

明夷于飛

陽明上升故取飛之象也

垂其翼

陰

在上欲傷陽明所以不能遂其進矣是君子于飛而知其有傷故斂其翼而避之也

君子于行三日

不食

至於是三日而不暇食則是退避之速也

有攸往主人有言

夫知幾之君子獨見

其微非人所能議也故明傷之始見傷未顯而去之則世俗孰不疑怪故有所往適則主人有言語議論矣

象曰君子于行義不食也

君子體而用之知幾者趨時為大當明傷之時退藏於密行義而樂道安處而忘食蓋言行義樂道之切也

六二

柔居明體之中下卦之主大臣之位也

明夷夷于左股

初與四應爻相易為巽巽

為股夷于左股者傷其左股也左右之股肱為臣象左尊右卑謂左股尤其貴重者言傷於大臣也

用拯

馬壯吉

互體見震震為馬作足言其馬壯而疾也蓋拯救之道當以壯健而速者獲吉矣

象曰

六二之吉順以則也

君子體而用之蓋喻若文王大明之君居大臣之位

故暗主所忌本當傷矣復獲吉者故乾卦所云乾元

用九乃見天則即天則而好還耳苟能以中正之道

順守天則倘遇明傷之時亦能復吉矣故曰文王以

之

九三

陽居離體之上  
剛明之極也

明夷于南狩

離為南方為甲冑為  
戈兵即南狩之象然

離明也坤暗也九三離之上而明極又處剛而上進入  
上六坤之上暗之極也兩極正應相敵明勝則暗除矣

得其大首

上六雖非君位以其居上而暗極故為暗主  
又謂之大首狩者畋而去害之義蓋謂九三

以其處正而剛明之故  
敵勝上六得其大首矣

不可疾貞

謂誅訖元惡其舊染  
汚俗之餘黨當以中

正之道教而化之未能遽革之也遽革則  
駭懼而不安反為傷矣故曰不可疾貞

象曰南狩之

志乃大得也

君子體而用之夫以下之明除上之暗其志在去害



而已如商周之湯武豈有意於利天下乎得其大首  
是能去害而大得其志矣志苟不然乃悖亂之事也

六四

陰居柔位上近於君以柔和順於君者也

入于左腹

坤為腹左腹者隱僻之所邪道也夫

小人之事君必以邪道而入腹之深

獲明夷之心

互體見坎坎為心入于深至于蠱其心而已

出門庭

蠱其心即誠信於中而後能事於外也故曰于出門庭

象曰入于左腹獲

心意也

君子體而用之入于左腹者癖病也喻謂小人以邪  
僻之道入于君腹而蠱其心必致喪身亡國矣吁可

不戒慎乎

六五

五為君位然易變隨時取義不可作典要也乃見紂極暗而不可處於君位隨時取義指上六為紂

昏極之君位反此爻為臣位也

箕子之明夷

謂五切近上六係傷明之主若自顯其明則見傷害

必矣故當如箕子之自晦藏則可以免於難况箕子商之舊臣而同姓之親可謂切近於紂矣故佯為奴以免於害雖晦藏其明而內守其正所謂內利貞故曰利貞難而能正其志可謂貞吉而仁明也

象曰箕子之貞明不可息也

君子體而用之箕子晦藏不失其貞固雖遭患難其明自存不可滅息也故為之戒云謂當如箕子之貞

固則可已矣吁豈能如之也

上六

陰居最上明夷之主也

不明晦

三爻皆稱明夷言明而被傷者上爻獨稱不明蓋謂自不

明人晦暗他人之明故曰不明晦

初登于天

本居於高位明當及遠正如日初出之象故登天

後入于地

乃夷傷其明而昏暗極甚如日沒之象故入地蓋謂上明夷之終又坤陰之終明傷之極

也象曰初登于天照四國也後入于地失則也

君子體而用之初登于天居高而明則當照及四方也乃被傷而昏暗是後入于地失明之道也失則即失其道矣



離上

家人

此卦外巽內離為風自火出火熾則風生風生自火所以自內而出也自內而

出由家而及於外利女貞二五中正指五為男指二為之象故曰家人女家人之道利在女正女正則家道正矣夫婦婦而家道正獨云利女貞者夫正者身正也女正者家正也女正則男正可知矣是以觸類而長之引而伸之耳

彖曰家人女正位乎內男正位乎外男女正天地之大義也家人有嚴君焉父母之謂也父父子子兄兄弟弟夫夫婦婦而家道正正家而天下定矣

象曰風自火出家人君子以言有物而行有恒

君子體而用之正家之本在正其身正身之道一言  
一動不可易也君子觀風自火出之象知事之由內  
而出故所言必有物所行必有恒也物謂事實恒謂  
常度法則也德業之著於外由言行之謹於內也言  
慎行修則身正而家治矣

初九

陽居最下家  
道之始也

閑有家悔亡

治家之道先以法度防  
閑不致長幼失序故悔

亡

象曰閑有家志未變也

君子體而用之當防閑於始言家人志意未變動之

前也正志未流散微欲變動而防閑之則不傷恩失義處家之善也是以悔亡志變而後治之則所傷多矣乃有悔也

六二

陰柔處於中正婦人之道也

无攸遂

上應九五如婦從夫以順為正即事無所遂矣苟或

妾婦自遂其事則僭上居下家不齊也

在中饋

離與又互坎此三卦有水火木之象中饋即烹飪之

義蓋謂在於室中主饋祀敬先而又從夫

貞吉

尊敬而柔順婦道貞正矣故吉

象曰六二之

吉順以巽也

君子體而用之之處夫骨肉父子之間大率以情

勝禮以恩奪義唯剛立之人則能不以私愛失其正  
理故家人卦大要以剛為善初三上三爻是也六二  
以陰柔之才而為男子處之則無所為而可也夫剛  
明之丈夫尚有溺情愛而不能自守其正者況柔弱  
之人其能勝妻子之情乎如二之才若為婦人之道  
則其正矣

九三

陽居離上  
剛明者也

家人嗃嗃悔厲吉

九三以陽居剛而不  
中雖得正而過乎剛

者也治內過剛則傷於嚴急故家人嗃嗃然治家過嚴  
不能無傷故必悔於嚴厲以其骨肉恩勝嚴過悔也雖

悔於嚴厲未得寬猛之中然而家婦子嘻嘻終吝在卦道齊肅人心祇畏猶為家之吉也

非有

嘻嘻之象以對嗃嗃而言謂與其失於放肆寧過於嚴也嘻嘻笑樂無節也放恣無節則終至敗家可羞吝也

象曰家人嗃嗃未失也婦子嘻嘻失家節也

君子體而用之雖嗃嗃於治家之道未為甚失若婦

子嘻嘻是無禮法失家之節家必亂也

六四

陰居與下順之至也

富家

六四正而有應諸卦陰爻稱不富而此爻稱富何也其陽當主義陰

當主利又陽當主貴陰若正而有應必當主於富陰陽對代之義乎故易取無常不可作典要耳無以柔順處

之所以能富其家也

大吉

推此道而及天下則國治民豐莫大之吉也

象曰富家大吉



順在位也

君子體而用之居正而順守於忠義在國無善在家必富矣

九五

陽居尊位中正之君也

王假有家

隨卦取義九五與六二正應陰陽相感夫婦之象也

五恭已於外二正家於內內外同德可謂至矣夫王假有家者五君位故以王言假至也極乎有家之道也

勿恤吉

有家之道修理既至則不憂勞而天下治矣故曰勿恤而吉也

象曰王假有家

交相愛也

君子體而用之夫王者之道修身以齊家家正則天

下治矣王假有家之道者非止能使之順從而已必致其心化誠合夫愛其內助婦愛其刑家交相愛也能如是者文王之妃乎若身修法立而家未化亦猶未得為假有家之道也

上九

陽居巽上治家之道成也

有孚

上九陽實孚即誠信矣治家之道非至誠不能也是則已無孚

信安能使人信乎故

威如終吉

治家者在妻孥情愛之間慈過則無嚴恩勝則

掩義故家之患常在禮法不足而瀆慢生也若長失尊

嚴少忘恭順而家不亂者未之有也故必有威則能終

吉保家之道終在有孚威

象曰威如之吉反身之謂也

嚴而已故於卦終吉也

君子體而用之治家之道以正身為本故云反身之  
謂也見爻辭謂治家當有威嚴故夫子又復戒云當  
先嚴其身也威嚴不先行於已則人怨不服故云威  
如而吉者能自反於身也孟子所謂身不行道不行  
於妻子也



兌下睽 睽 非異離散也 離兌交重而為睽火燥炎上  
離上睽 水潤就下二體相違睽之象也以體言之

離為中女兌為少女二女小事吉 言睽者本同矣本不  
同居其志相違睽之義也 小事吉 同則非睽也方睽之

時六五以柔居尊位下有兌說又得中道而應乎剛雖  
不能合天下之睽而成天下之大事亦可以小濟是以

小事吉也或曰五以明而應剛不能致大吉何也曰五以陰柔雖應剛二遇睽之時相與之道未能深固故不能成大

吉也

象曰睽火動而上澤動而下二女同居其志不同行

中女

離火志上少女兌澤志下不同行者同而異也

說而麗乎明柔進而上行

二五正應

相易成天雷无妄言天雷真實而動乎上下卦兌說故兌為少女有柔說上行之象致異而同也

得中

而應乎剛是以小事吉天地睽而其事同也男女睽而其志通也萬物睽而其事類也睽之時用大矣哉

象曰上火下澤睽君子以同而異

君子體而用之於大同之中而知所當異者也夫聖賢之處斯世於人理之常莫不大同於世俗之所同者則有時而獨異蓋於秉彛則同矣與流俗習性則異也不能大同者亂常拂理之人也却不能獨異一向流俗放肆亦失常矣要在同而能異二者之間耳易曰妙在幾中庸曰和而不流是也

初九

陽居最下  
睽之始也

悔亡喪馬勿逐自復見惡人无咎

互體  
有坎

坎為美脊馬坎自外卦而來馬勿逐自復之象故曰悔亡矣又外卦是離離為目四為坎體坎又為盜盜為惡

人有見惡人之象言被惡人未  
害之先見而預避之故无咎也

象曰見惡人以辟咎也

君子體而用之初與四當應却為初陽去應四陽二  
陽雖同而志異四又居坎體坎為盜即惡人也蓋謂  
處睽離之時人情乖違求和合之且病其不可得安  
敢將惡人而拒絕之况兼小人乖異者至衆衆必仇  
於君子而禍咎至矣又安能化不善而使之合乎故  
必見之所以免辟絕之怨也无怨咎則有可合之道  
矣古之聖王所以能化姦凶為善良革仇敵為臣民

者由弗絕也

九二

陽居中位剛中之臣也

遇主于巷

巷謂委曲之道也二五剛柔相與雖為正應蓋睽睽異

之時君心未合則當以剛中之德宛轉相求而得會遇也故曰遇主于巷之功何咎之有也

象曰遇主于巷未失道也

君子體而用之以委曲之道宛轉相求致君臣之睽慶會而合道雖似與正違實不失其中道者非枉已

屈道也

六三

陰居兌上非其位也

見輿曳其牛掣

上卦離離以坤中爻為主故有化牛之象又互

體見坎六三遇坎坎為輪為曳就下之義蓋謂他卦所處不正猶為不善況睽異之時乎六三以陰柔之質處二剛之中下有九二就下而曳退其車上有九四為互坎之體陷阻而掣其牛蓋被二陽所害故也掣者從制從手執止其人天且劓互體為坎坎陷也陷罪刑獄之義也也劓者即截鼻蓋謂三體柔以處剛而志行故力進以犯之是以重傷也无初有終始為二是元初也後得上陽所厄九應援是有終也象曰見輿曳位不當也无初有終遇剛也

君子體而用之守道固處自無終睽之理故賢者順理而安行智者知幾而靜待矣



九四

以陽處柔下無正應

睽孤

謂居二陰之間是睽離孤處者也

遇元夫

遇初九也元夫

言大人即君也

交孚

陰陽相感而交信

厲无咎

雖處互坎之危體亦无咎矣

象曰交

孚无咎志行也

君子體而用之若能至誠輔弼而交信於君何所不能濟也唯有君則能行其志矣復將何咎

六五

陰居尊位本有悔也

悔亡

以中而應剛悔乃亡也

厥宗噬膚

以似體而言自二之

上似噬嗑厥宗指九二與六五是係其一宗之黨類二五陰陽正應而九四間之可以噬齧其肌膚而深入之也當睽之時非入之者深豈能合矣

往何咎

如此之深入而往何咎之有

象曰厥宗噬

膚往有慶也

君子體而用之爻辭但言厥宗噬膚可以往而无咎象復推明其義言人君雖已才不足若能信任賢輔使以其道深入於已則可以有為是往而有福慶也

上九睽孤見豕負塗載鬼一車先張之弧後說之弧匪

寇婚媾往遇雨則吉

上九亦稱睽孤者睽之極也下應六三兌說之主又互坎為豕為泥

為鬼方為輪為弓為寇為雨言羣疑未亡之先見其汚也見其怪也羣疑既亡之後孤可說矣寇可婚矣皆先睽後合之義睽六爻除初九外餘皆不正以其有應始睽終合也故吉

象曰遇雨之吉羣

疑亡也

君子體而用之遇雨吉者上九下應六三乃兌說之主正應相感陰陽和也始睽而能終和故吉也所以能和者以羣疑盡亡也其始睽也無所不疑故云羣疑睽極而合則疑皆亡也



艮下坎上

蹇

前遇坎而又互坎坎窞也險難之甚故名蹇然見險能止亦可謂知

利西南

不利東北利見大人貞吉

後天八卦方位坤在西南故曰利西南然卦無坤而言及

西南者何也或曰用卦變也二五剛柔相易有坤象坤為國可以正邦耳二五中而當位利見大人貞吉矣故

蹇之時用  
大矣哉

象曰蹇難也險在前也見險而能止知矣哉蹇利西南往得中也不利東北其道窮也利見大人往有功也當位貞吉以正邦也蹇之時用大矣哉

象曰山上有水蹇君子以反身修德

君子體而用之山上復有險蹇之象也行有不得者皆反求諸己故遇艱蹇則必自反以修德是處蹇之道也

初六

陰居艮下  
蹇之初也

往蹇來譽

往則遇險來則得譽有險  
在前宜少需待之故也

象

曰往蹇來譽宜待也

君子體而用之當以藏器於身待時用也

六二

陰柔處中上應  
九五之臣也

王臣蹇蹇

當蹇之任過蹇之事才  
柔而不勝其職蹇之又

蹇匪躬之故

竭力助君非為己身雖未成功  
亦不失守故曰匪躬之故也

象曰王臣

蹇蹇終无尤也

君子體而用之雖難厄於蹇之時忠義之心志在濟

君雖未成功終无過尤也聖人取其志義而謂其无

尤所以勸忠進也

九三

陽居艮上處得正也

往蹇來反

往則坎陰在前來反就二陰內卦二陰喜而從陽內喜之

也

象曰往蹇來反內喜之也

君子體而用之內者在下之陰也方蹇之時陰柔不能自立故皆附於三之陽而喜愛之九之處三在蹇為得其所也處蹇而得下之心可以求安矣

六四

陰居坎下陰之初而當位也

往蹇來連

謂退則無應進則犯險不量力而往深入蹇也

以其當位而嘗有知幾之士退來者相連而合也蓋謂初待時二處蹇三反身則衆志相連而合言處之善也

象曰往蹇來連當位實也

君子體而用之以誠實而親下則得衆也

九五

陽處尊位而在險中處蹇難之君也

大蹇朋來

正應六二四上相比喻朋來也當大蹇之

時有朋來之助中節如此何蹇之懼矣

象曰大蹇朋來以中節也

君子體而用之五有中正之德得其朋比之臣以中節而輔弼之雖處大難不失守也

上六

陰居險上蹇之極也

往蹇來碩吉

碩大也蹇極而往險尤深矣來就九五則有碩大之

功更加以寬裕而親下得衆也寬則得衆來碩吉也

利見大人

既得在下衆志相扶利見九五大德

之君

象曰往蹇來碩志在內也利見大人以從貴也

矣

君子體而用之事君必當同心竭力以濟天下是以陷者得出危者得安蹇難解矣



坎下震上

解

卦之所以名為解者居險能動動能出乎險之外難之散也故名解以下皆卦變

利西南

初四剛柔相易得坤坤位西南

无所往其來復吉

初與四二與五應爻剛柔

相易成屯屯以相比而剛柔相易成解故無所往而來復吉也

有攸往夙吉

夙早也初也初與應

爻易位成臨臨浸而長之卦故往則有功故苟有攸往夙吉也

象曰解險以動動而免乎險解解利西南往得衆也其



來復吉乃得中也有攸往夙吉往有功也天地解而雷雨作雷雨作而百果草木皆甲拆解之時大矣哉

象曰雷雨作解君子以赦過宥罪

君子體而用之處患難方散之時觀解之象體雷雨大作有發生之意所以布惠施恩養民育物赦過宥罪使民自新此寬平順易之道也

初六

陰居最下解之始也

无咎

居解之初剛柔相應難其散矣何咎之有

象曰剛柔之

際義无咎也

君子體而用之初四剛柔感應得其宜也素分而安處之夫何為咎耶

九二

陽居陰位剛得中也

田獲三狐得黃矢貞吉

田者畋獵而去害之事狐者邪

媚之獸三狐指坎卦六三喻時之小人也獲謂能變化而除去之者譬如田中獵而獲狐也所以能獲者必以中直之道治之故黃中色矢直物黃矢謂中直也羣邪不去君子用中直之道除之乃貞正而得吉也

象

曰九二貞吉得中道也

君子體而用之所謂貞吉者得其中道也除去邪惡使其中直之道得行乃正而吉也

六三

陰處陽位不中正也

負且乘致寇至

處不中正承乘皆剛又居坎體之上又遇互坎

坎陷也為盜為寇上負九四喻小人能負荷擔攀之小事也却乘九二喻君子至大之重器即可與車而載者小人不可擔攀也故曰負且乘致寇至盜之招也

貞吝

誠為羞醜而貞吝也

象曰負且乘

亦可醜也自我致戎又誰咎也

君子體而用之六三陰柔本當居下及居下卦之上

處非其位猶小人宜在下以負荷而且乘車非其據

也必致寇奪之至喻小人雖勉為正而氣質卑下本

非在上之物終為鄙吝也若能大正則如何曰大正

非陰小之人所能也若能進德則化為君子矣六三  
陰柔小人宜在下而反處下之上猶小人宜負而反  
乘當致寇奪也難解之時而小人竊位復致寇矣故  
曰自我致戎又誰咎也

九四

陽居動體震卦之主切近柔君處位未當

解而拇朋至斯孚

下與初六之陰為應

拇在下而微者謂初也若居上位而親小人則賢人正士遠退矣斥去小人則君子之黨進而誠相得也但四能去其初六之陰柔小人則陽剛君子之朋來至而誠合矣不解去小人則已之誠未至安能得人之孚信也故曰解而拇  
象曰解而拇未當位也  
朋至斯孚矣

君子體而用之以其自處未當必先克解已私而歸

正然後孚信而朋至矣

六五

柔居尊位處解之君也

君子維有解吉有孚于小人

以君子通言之

君子所親比者必君子也所解去者必小人也故曰君子維有解吉解之至要在乎退小人進君子欲退小人必先有孚既有孚于小人則小人之黨解而化君子之朋進而合如此則政化行而天下治矣故曰有孚于小人也

人象曰君子有解小人退也

君子體而用之務要解散小人之黨而已更何加乎

上六

陰居解極位之至高非君位故曰公也

公用射隼于高墉之上獲之

无不利

謂公但據解終而言也隼鷙害之物象為害之小人墉墻内外之限也害若在內則是未解之

時也若出墉外則是無害矣復何所解故在墉上離乎內而終未去也云高謂上至解極之時而獨有未解者乃害之堅強者也上居解極解道已至器已成也故能射而獲之既獲之則天下之患解已盡矣何所不利夫子於繫辭復伸其義曰隼者禽也弓矢者器也射之者人也君子藏器於身待時而動故无不利

象曰

公用射隼以解悖也

君子體而用之至解而終未解者悖亂之大者也大者小人之魁首耳若將魁首射而獲之則天下平矣



兌下損 以卦變言損自泰來血自否來損下益上則名為損損上益下則名為益所以知上

以下為基惟基本可  
益不可損之義見矣  
有孚元吉无咎可貞利有攸往

此卦

六爻皆應即應時之義故為有孚則元吉矣  
无咎可貞矣利有攸往矣有是四者之吉也  
曷之用

問辭

二簋可用享

答辭古者享禮以四簋為中當損之時二簋雖薄亦可用享此文王彖辭也蓋謂隨

時取中義取於中誠敬而已矣故夫子為彖作傳曰損者損下卦之乾以益上卦之坤其陽道上行也損而有孚元吉无咎可貞利有攸往曷之用二簋可用享者二簋禮之至損本不可用而可用者應有其時也剛或太過柔或不足損剛而益柔亦有其時也損其盈益其虛損益盈虛與時偕行而已

象曰損損下益上其道上行損而有孚元吉无咎可貞  
利有攸往曷之用二簋可用享二簋應有時損剛益柔

有時損益盈虛與時偕行

象曰山下有澤損君子以懲忿窒欲

君子體而用之山瘦澤增損山也土克制水損澤也  
皆損之象耳忿不可極欲不可縱君子之所當損也  
先儒曰懲忿如救火窒欲如防水矣蓋謂損者當以  
損過而就中損浮末而就本實也故云曷之用二簋  
可用享二簋之約可用享祭言在乎誠而已誠為本  
也天下之害無不由末之勝本也聖人設戒深切著



明矣本為民為邦本也吁下者可以損乎

初九

陽居卑下損德而修身也

已事遄往无咎

以全卦言卦自泰來損三而益上以逐文

言則因名起義皆言損矣初九輟已其事而速往

酌損

之

當斟酌其淺深而為損謂懼其太過也

象曰已事遄往尚合志也

君子體而用之四賴於初初益於四與上合志也然而亦當斟酌中理而損益之則不失其宜耳

九二

陽居兌體之中

利貞

居兌說而上應六五之君不可以諂諛邪枉而入也當以正固其道則得

宜矣故征凶

若恃說而征進必失中正之德所以凶也

弗損

志存乎中則能自正則弗損其

剛也

益之

不損其剛足可  
以益於君上矣

象曰九二利貞中以爲志也

君子體而用之志存乎中則自正矣大率中重於正

中則正矣正不必中也能守中則有益於上矣

六三

陰居兑上  
說之主也

三人行則損一人一人行則得其友

繫辭

傳曰天地絪縕萬物化醇男女構精萬物化生易曰三  
人行則損一人一人行則得其友言致一也天地一陰  
一陽而已男女亦一陰一陽而已一陰行則得一陽爲  
之友一陽行則得一陰爲之友此一人行則得其友也  
若違此義一陰而從二陽則一陽見傷一陽而從二陰  
則一陰被斥必損一人也蓋謂一陰一陽之謂道也

象曰一人行三則疑也

君子體而用之繫辭傳曰言致一也其義尤顯致字  
當玩一陰一陽一陽一陰其志皆專若參而為三我  
之志分彼之志離矣損之六爻皆有剛柔正應正應  
之外復何他志故曰三則疑矣

六四

陰居艮體上近柔君所處得其正也

損其疾使遄有喜无咎

處位雖正而過

中憂其過中是有疾也下應於初損已從善而獲益之損其疾矣去疾遄速則有喜而无咎也

象曰損

其疾亦可喜也

君子體而用之有過速改无疾而有喜也

六五

陰居尊位中順之君也

或益之十朋之龜弗克違元吉

說卦離為

龜內柔而外剛也六五於損之時以中順而居尊位以虛中應乎二之剛陽是人君能虛中自損以降志順從在下之賢也能如是天下孰不損已而以益之故或有益之之事則十朋之龜助之矣十謂數之變言衆多之辭龜者決是非吉凶之物喻衆人之公論必合正理致龜筮不能違也如此可謂大善之吉矣古人云謀從衆則合天心

象曰六五元吉自上祐也

君子體而用之所以得元吉者以其能盡衆人之見合天地之理故自上天降之福祐也

上九

陽居最上損極而當變也

弗損益之无咎

利已益人之謂也益人而不損已何咎之

有貞吉

損道以此得正之吉也

利有攸往

宜有所往則有益也

得臣元家

得天

下之人心中可私其家也

象曰弗損益之大得志也

君子體而用之居上不損下而反益之是君子大得

行其志也君子之志唯在益人而已



震下

益損上益下所以為益以卦變言此卦自否來損乾之一陽以益坤為損上益下矣

利有攸往利涉大川

益於天下之道故利有攸往益眾之道可以濟險難利涉大川也

彖曰益損上益下民說无疆

互體見坤坤為眾故曰民民為邦本薄稅斂者損上

財益下民故民說誠能損上益下則民說無疆矣

自上下下其道大光利有攸

往中正

二五兩爻居中得正

有慶利涉大川木道乃行

乘木舟虛也益

動而與日進无疆天施地生其益无方凡益之道與時

偕行

象曰風雷益君子以見善則遷有過則改

君子體而用之風烈則雷迅雷激則風怒二物相益者也君子觀風雷相益之象而求益於已故為益之道莫若見善則遷有過則改也見善能遷則可以盡天下之善有過能改則無過矣人之有益者莫大於

是

初九

陽居震下尚動者也

利用為大作

初九為震動之主剛陽之盛也居益之時其才足以

益物雖居至下而上有六四之大臣應於己四與順之主上能巽於君下能順於賢才也在下者不能有為必待在上者應從之而後可輔弼於上大益天下之事故曰利用為大作也

元吉无咎

居下得

以行其志必須所為大善而吉則无過咎矣若否而不元吉則不唯在己有咎乃累乎上為上之咎也在至下而當大任小善不足以稱也

象曰元吉无咎下不厚

事也

君子體而用之在下者本不當處厚事厚事即重大

之事也居下者處重大之事功成而不恃其有是以大吉而无咎也

六二

陰處柔位上應九五之君

或益之

所處中正體柔而順有虛中

以求益而能順從天下孰不顧告而益之矣

十朋之龜弗克違

十者數之變言衆多也龜

者所以占吉凶辨是非之物益謂或有可益之事則衆朋助而益之甚至龜筮亦不能違何況於人乎

永

貞吉

然而六二之質本陰其志柔弱故成在常永貞固則吉也

王用享于帝吉

王用

而順受上天之眷命代天益衆以保天下悠久元疆誠於永貞之念然後祭祀上帝必享而降吉矣天子如此

何況於庶人乎

象曰或益之自外來也



君子體而用之既得中正虛中能受天下之善而固守則有有益之事必致衆人自外來益之矣自外來豈非五乎五居君位君者羣也言羣下之歸心也可謂衆人自外來而益之矣

六三

以陰處陽位不當也

益之用凶事无咎

爻例三多凶三雖處不當位却以陰柔處

於陽剛又應上九亦剛乃志存乎剛又互體見坤坤為衆為民三居下體之上喻在民上有守令之象居陽應剛處動之極居民上而剛決果於為益者也果於為益用之於凶事則无咎凶事謂患難非常之事言倘遇非常促急人民被害之事不暇告命當以用剛致身力庇其民故謂凶事亦可无咎矣  
有孚中行告

公用圭

三以上應故有孚三四為全卦之中故中行雖能致身救民之吉必以中道而行功成而不可

有為而不可恃常以敬念於君盡孚誠達於上故告公用圭所以申信也象曰益用凶事固

有之也

君子體而用之六三益之獨可用於凶事固有之者  
謂專固自任其事也居下當稟承於上乃專任其事  
者唯救民之凶災拯時之艱急乃處機變之權宜故  
得无咎若平時專任其不可也

六四

陰柔當位切近於君其順之主也

中行告公從

易例取卦不一四於全卦之中且得

正有事告於公而見從之象故云若行得中  
道則可以益於君上告於上而獲信從矣  
利用為依

遷國

互體見坤坤為國謂上依剛中之君而致其益下  
順初九剛陽之才行其事利用如此也自古國邑

民不安其居則遷遷  
國者順下而動也象曰告公從以益志也

君子體而用之告公而獲從者告之以益天下之志  
也志苟在於益天下上必信而從之事君者不患上  
之不從患其志之不誠也

九五

陽居尊位中  
正之君也

有孚惠心勿問元吉

五二中正比德  
以行其益何所

不利以陽實在中有孚之象以九五之德之才之位而  
中心至誠在惠於物其至善大吉不待問而可知矣故

曰勿問  
元吉

有孚惠我德

謂人君至誠益於天下天下之人無不至誠愛戴以君之德澤為恩

也

象曰有孚惠心勿問之矣惠我德大得志也

君子體而用之誠以道德而惠益之其元吉不假言

也故曰勿問之矣

上九

陽居至極無位者也

莫益之或擊之

上居無位之地非行益於人者也以剛處益之

極求益之甚者也所應者陰非取善自益者也益者利也益利者衆人所同欲也專欲益已其害大矣欲之其則昏蔽而忘義理求之極則侵奪而致仇怨故聖人深戒也九以剛而求益之極衆人所共惡故莫者無也無益之者或立心勿恒凶  
謂聖人戒人存心不可專利故有擊之矣云勿恒若恒心如此則凶道矣

當速改之可也

象曰莫益之偏辭也或擊之自外來也

君子體而用之理者天下之至公利益者衆人之所同欲苟公其心不失其正理則與衆同利益無侵於人人亦欲與之同正己之辭也若獨好於利蔽於一己之私求自益以損於人偏己之辭也故曰偏辭矣苟不偏己合於通益之公道則人亦益之何為擊之乎既偏己求益於人至於甚極則自招惡而攻擊之者由外來也

周易原旨卷四